



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-3-40-285-5/26**
Datum: **27.07.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica «SARAJEVOPUTEVI» d.d. Sarajevo za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije poslovnog objekta sa pratećim sadržajima – radna jedinica Mehanizacija Blažuj, izgrađenog u ulici Kamenolom broj 2, općina Ilidža, Kanton Sarajevo, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu «SARAJEVOPUTEVI» d.d. Sarajevo daje se vodna dozvola za ispuštanje tehnoloških otpadnih voda i oborinskih onečišćenih voda sa lokacije poslovnog objekta sa pratećim sadržajima – radna jedinica Mehanizacija Blažuj namijenjena za remont i servis kamiona, građevinske mehanizacije, interne praonice motornih vozila sa pratećim sadržajima, izgrađenog na zemljištu označenom kao k.č. broj 440/3, 444/1 i 444/4 K.O. Blažuj, općina Ilidža, Kanton Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene tehničke i druge dokumentacije, izvršenog uviđaja na lokaciji objekta, priloženim dinamičkim planom i pod slijedećim uslovima:
 - 3.1. Da se upotreba i korištenje predmetnog poslovnog objekta vrši u skladu sa urađenom projektnom dokumentacijom koja je služila kao podloga za davanje ove vodne dozvole.
 - 3.2. Aktivnosti navedene u tačkama 3.2. do 3.4. Rješenja o VD donesenog od strane Agencije za vodno područje rijeke Save broj: UP-1/21-3-40-618-5/23 dana 18.04.2024. godine su realizovane u skladu sa projektnom dokumentacijom: „Projekat izvedenog stanja vanjskih instalacija vik-a za Radnu jedinicu Mehanizacije Sarajevoputevi d.d., urađen od strane projektne kuće „ARTING BH“ d.o.o. Sarajevo, juni 2026. godine.
 - 3.3. Da se oborinske onečišćene vode sa platoa, saobraćajnih i manipulativnih površina nesmetano prikupljaju sistemom linijskih slivnih rešetki i slivnika, te putem interne kanalizacione mreže odvedu do objekta za tretman otpadnih voda (tipska separator ulja i naftnih derivata), a zatim preko okna za monitoring odvedu do ispusta izvedenog u upojni bunar.
 - 3.4. Da se tehnološke otpadne vode koje nastaju na lokaciji interne praonice motornih vozila prikupljaju putem slivnih rešetki u taložnik, odvedu internom kanalizacionom mrežom do tipskog separatora ulja i naftnih derivata, a zatim preko okna za monitoring odvedu do ispusta izvedenog u upojni bunar.
 - 3.5. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane Uredom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva na osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije za ispitivanje voda, sadržaju i načinu davanja ovlasti («Službene novine Federacije BiH», broj 14/10, 14/13, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz dva kontrolna okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).

- 3.7. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
- 3.8. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 3.9. Da se sav opasni otpad – uljne emulzije, istrošena motorna ulja, nauljene krpe, otpad nastao u procesu rada, otpad nakon čišćenja i održavanja i sl., redovno prikuplja i propisno privremeno skladišti u odgovarajuće spremnike, do krajnjeg, ekološki prihvatljivog zbrinjavanja od strane ovlaštene firme prema sačinjenom ugovoru.
- 3.10. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.11. Osigurati priručna sredstva za brzu intervenciju u slučaju nekontrolisanog istjecanja nafte, ulja i sl., kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.12. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole korisnik predmetnog objekta je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na lokalitetu i objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, vlasnik, odnosno korisnik objekta je dužan da podnese zahtjev za izdavanje nove vodne dozvole.
11. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentovan zahtjev za izmjenu ovog vodnog akta.

O b r a z l o ž e n j e

Pravno lice «SARAJEVOPUTEVI» d.d. Sarajevo se pismenim putem obratilo ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije poslovnog objekta sa pratećim sadržajima – radna jedinica Mehanizacija Blažuj namijenjena za remont i servis kamiona, građevinske mehanizacije i interne praonice motornih vozila sa pratećim sadržajima, izgrađenog na zemljištu označenom kao k.č. broj 440/3, 444/1 i 444/4 K.O. Blažuj, općina Ilidža, Kanton Sarajevo.

U provedenom postupku dostavljena je i pregledana slijedeća dokumentacija:

- Kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-26-004727 dana 17.04.2026. godine;
- Kopija uvjerenja o poreznoj registraciji izdatog od strane Porezne uprave – Kantonalni ured Sarajevo dana 17.08.2006. godine;
- Kopija uvjerenja o poreznoj registraciji Dioničarskog društva „Sarajevoputevi“ Sarajevo, RJ Blažuj, Ilidža, izdatog od strane Porezne uprave – Kantonalni ured Sarajevo dana 30.12.2016. godine;
- Kopija Obavještenja o razvrstavanju pravnog lica prema klasifikaciji djelatnosti, dat od strane Službe za statistiku za područje Kantona Sarajevo, broj: 07-32.5-9307/11 dana 26.12.2011. godine;
- Punomoć;
- Kopija izmjenjenog Rješenja o urbanističkoj saglasnosti donesenog od strane Opštinskog sekretarijata za urbanizam, komunalne i imovinsko-pravne poslove, broj: 04-364-570/89 dana 30.05.1989. godine;
- Kopija Rješenja o odobrenju za dogradnju i nadziđivanje Punkta za održavanje puteva u Blažuju, donesenog od strane Opštinskog sekretarijata za urbanizam, stambeno-komunalne i imovinsko-pravne poslove Opštine Ilidža, broj: 04-360-46/89 dana 24.08.1989. godine;
- Kopija Rješenja o ispunjenosti uslova za početak rada i obavljanja djelatnosti, donesenog od strane Stručne inspeksijske komisije za utvrđivanje uslova za početak obavljanja privredne djelatnosti, broj: 07-05-20/1-828-RA-LEV dana 23.05.2005. godine;
- Kopija Rješenja o vodnoj dozvoli donesenog od strane Agencije za vodno područje rijeke Save Sarajevo, broj: UP-1/21-3-40-618-5/23 dana 18.04.2024. godine;
- Glavni projekat vanjskih instalacija vodovoda i kanalizacije za Radnu jedinicu Mehanizacije Sarajevoputevi d.d., urađen od strane projektne kuće „ES HYDROTECHNICS“ d.o.o. Sarajevo, decembar 2020. godine;
- Projekat izvedenog stanja vanjskih instalacija vik-a za Radnu jedinicu Mehanizacije Sarajevoputevi d.d., urađen od strane projektne kuće „HYDRO CONTROL“ d.o.o. Sarajevo, maj 2026. godine;
- Projekat izvedenog stanja vanjskih instalacija vik-a za Radnu jedinicu Mehanizacije Sarajevoputevi d.d., urađen od strane projektne kuće „ARTING BH“ d.o.o. Sarajevo, juni 2026. godine;
- Okvirni sporazum za pružanje usluga zbrinjavanja otpadnih materija i usluga vome sklopljen sa „DELTA PETROL“ d.o.o. Kakanj dana 12.12.2025. godine;
- Dokaz o uplaćenju upravnoj pristojbi.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je dana 16.07.2026. godine izvršen obilazak predmetne lokacije, o čemu je sačinjen Zapisnik o uviđaju broj: UP-1/21-3-40-285-4/26.

Na osnovu pregleda raspoložive dokumentacije i izvršenog uviđaja na predmetnoj lokaciji utvrđeno je slijedeće:

Pravno lice „SARAJEVOPUTEVI“ d.d. Sarajevo je posjedovalo Rješenje o vodnoj dozvoli broj: UP-1/21-3-40-618-5/23 izdatog 18.04.2024. godine od strane ove Agencije sa rokom važenja do 30.06.2026. godine. Navedeno Rješenje o vodnoj dozvoli izdato je u skladu sa članom 26. stav (1) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj: 26/20 i 96/20) uz uslov da se realizuju aktivnosti iz dinamičkog plana obuhvaćeni tačkom 3. dispozitiva navedenog rješenja.

Prilikom uviđaja na terenu utvrđeno je da su sve aktivnosti, a koji se odnose na izvođenje radova po Glavnom projektu i koje su navedene kroz uslove Rješenja, izvršene.

Predmetni objekat sa pratećim sadržajima – upravna zgrada, servisne radionice, magacini, saobraćajne, parking i manipulativne površine, izgrađen je u naselju Blažuj, na zemljištu označenom kao k.č. broj 440/3, 444/1 i 444/4 K.O. Blažuj, općina Ilidža, Kanton Sarajevo. Osnovna djelatnost firme je remont i servis kamiona, građevinske mehanizacije i održavanje puteva.

U servisnoj radionici se vrši opravka građevinskih mašina, zamjena rabljenih motornih ulja, koja se prikupljaju direktno u rezervoar za otpadna ulja, te pakuju u metalnu burad. Zbrinjavanje i odvoz rabljenih motornih ulja, zauljenih krpa, uljnih filtera i sl. iz servisnih radionica se vrši od strane ovlaštenog lica za zbrinjavanje opasnog otpada.

Na predmetnoj lokaciji nastaju oborinske onečišćene vode koje se prikupljaju putem slivnika i linijske slivne rešetke, ta internom kanalizacionom mrežom odvode do tipskog separatora ulja i naftnih derivata, a

zatim preko okna za monitoring odvođe i ispuštaju u upojni bunar. Tehnološke otpadne vode nastaju na lokaciji interne praonice motornih vozila, koja se koristi za vlastite potrebe. Te vode se prikupljaju u taložnik, a zatim odvođe u separator ulja i naftnih derivata, te zajedno sa oborinskim prečišćenim vodama ispuštaju u upojni bunar.

Na osnovu pregleda projektne dokumentacije dostavljene uz zahtjev, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodijeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa Zakonom o vodama, Uredbom o uslovima ispuštanja otpadnih voda u okoliš i sisteme javne kanalizacije i Pravilnikom o sadržaju, obliku, uvjetima, načinu izdavanja i čuvanja vodnih akata.

Tačka 4. dispozitiva rješenja propisana je u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje tehnoloških otpadnih voda i oborinskih onečišćenih voda sa predmetne lokacije, te je riješeno kao u dispozitivu ovog Rješenja.


Podnosilac zahtjeva je na ime izdavanja ovog vodnog akta izvršio uplatu pristojbe iz tarifnog broja 43. Zakona o federalnim upravnim pristojbama i Tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

 Po ovlaštenju
**Ruководilac sektora za
izdavanje vodnih akata**

Nihad Pezo, dipl.inž.građ.

PRILOG:

- Glavni projekat vanjskih instalacija vodovoda i kanalizacije za Radnu jedinicu Mehanizacije Sarajevoputevi d.d., urađen od strane projektne kuće „ES HYDROTECHNICS“ d.o.o. Sarajevo, decembar 2020. godine,
- „Projekat izvedenog stanja vanjskih instalacija vik-a za Radnu jedinicu Mehanizacije Sarajevoputevi d.d.“, urađen od strane projektne kuće „HYDRO CONTROL“ d.o.o. Sarajevo, maj 2026. godine i
- „Projekat izvedenog stanja vanjskih instalacija vik-a za Radnu jedinicu Mehanizacije Sarajevoputevi d.d.“, urađen od strane projektne kuće „ARTING BH“ d.o.o. Sarajevo, juni 2026. godine;

Dostaviti:

- «SARAJEVOPUTEVI» d.d. Sarajevo, Mustajbega Fadilpašića 17, 71000 Sarajevo (sa prilogom)
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava